

ԸՆՏՐԱԿԱՆ ԻՐԱՎՈՒՆՔԻ ԵՎ ԸՆՏՐԱԿԱՆ ՀԱՄԱԿԱՐԳԻ ՀԱՍԿԱՑՈՒԹՅՈՒՆԸ

Ռ. Բ. Աղասյան

Փիլիսոփայության և իրավագիտության առժրոն

Ընտրությունները ժողովրդավարության իրականացման առաջնային քաղաքականացման ընթացքում և հանրային-քաղաքական իշխանության մարմինների կազմավորման հիմնական միջոցը¹։ Ընտրությունները նաև պետական իշխանության լեգիտիմության /ժողովրդի կողմից ճանաչված և ընդունված/ կարևորագույն միջոց է, որն ապահովում է հասարակության կայունությունը, նրա բնականոն գործունեությունը, քաղաքական էլիտայի որոշարկումը, իշխանությունների իրավահաջորդությունը, ինչպես նաև բնութագրում է պետական կյանքի և քաղաքական ռեժիմի բովանդակությունը²։

Ընտրությունները էական նշանակություն ունեն ժողովրդավարական ճանապարհով պետական, տեղական ինքնակառավարման մարմինների և կուսակցական - հասարակական կազմակերպությունների ձևավորման համար։ Ընտրությունները ժամանակակից պետականության և քաղաքացիական հասարակության անբաժան ինստիտուտներն են, որոնք նշաշխատողում են քաղաքացիների մասնակցությունը երկրի կառավարման գործընթացին։ Եվ, պատահական չէ, որ ընտրությունների կարևոր դերին ու նշանակությանն են անդրադարձնել միջազգային համապարփակ և տարածաշրջանային հանրաճանաչ փաստաթղթերը՝ «Մարդու իրավունքների համընդհանուր հռչակագիրը» /1948թ./, «Քաղաքացիական և քաղաքական իրավունքների մասին» միջազգային դաշնագիրը /1966թ./, «Մարդու իրավունքների և հիմնարար ազատությունների պաշտպանության մասին» նվորական կոնվենցիան /1950թ./ և այլն։

Այսպես, «Մարդու իրավունքների համընդհանուր հռչակագիր» 21 հոդվածի համաձայն. «1. Յուրաքանչյուր որ ունի անմիջականորեն կամ ազատորեն ընտրված ներկայացուցիչների միջոցով իր ներքին կառավարմանը մասնակցելու իրավունք։

2. Յուրաքանչյուր որ ունի իր ներքին պետական ծառայության մտնելու հավասար հնարավորության իրավունք։

3. Ժողովրդի կամքը պետք է լինի կառավարության իշխանության հիմքը, այն պետք է արտահայտվի պարբերական և իրական

ընտրություններում, որոնք պետք է անցկացվեն համընդհանուր և հավասար ընտրական իրավունքի հիման վրա, գաղտնի քվեարկությամբ կամ քվեարկության ազատություն ապահովող այլ հավասարաժեռ ընթացակարգերի միջոցով»³։

Միջազգային հանրության պրակտիկայում հաստատվել է այն կարևոր կանխադրյալը, ըստ որի՝ ընտրությունները համարվում են հասարակության քաղաքական կյանքին և կառավարմանը մասնակցելու ամենաարդյունավետ ու ամենաընդունելի ձևը։ Այդ իսկ պատճառով վերոնշյալ հռչակագրի դրույթն իր ամրագրման ստացավ նաև մարդու իրավունքների միջազգային օրինագծի մեկ այլ կարևոր փաստաթղթում՝ «Քաղաքացիական և քաղաքական իրավունքների մասին» դաշնագրի 25 հոդվածում, որտեղ մասնավորապես նշված է «Յուրաքանչյուր քաղաքացի, առանց 2 -րդ հոդվածում հիշատակվող որևէ խտրականության ու անհիմն սահմանափակումների, իրավունք և պարտականություն ունի.

ա/ մասնակցելու պետական գործերի վարելուն՝ ինչպես անմիջականորեն, այնպես էլ ազատորեն ընտրված ներկայացուցիչների միջոցով,

բ/ ընտրելու և ընտրվելու իրական պարբերական ընտրություններում, որոնք անցկացվում են համընդհանուր ու հավասար ընտրական իրավունքի հիման վրա, գաղտնի քվեարկությամբ և երաշխավորում են ընտրողները կամքի ազատ արտահայտումը,

գ/ իր ներքին հավասարության ընդհանուր պայմաններով մտնելու պետական ծառայության»⁴։

Միջազգային մասնական միություն 199-թվականի մարտի 26 -ի հռչակագրում նշվում է որ ժողովրդավարություն իրական լայն և լայն դադ մրցակցություն է անհատների, կազմակերպությունների միջև պետական կարևորագույն պաշտոնների համար, պարբերաբայ անցկացվող ազատ ու արդար ընտրություններ միջոցով։

«Մարդու իրավունքների և հիմնարար ազատությունների պաշտպանության մասին Եվրոպական կոնվենցիայի 1952 թվականի մարտի 20 -ի 1-ին Արձանագրության 3 -րդ

հողվածը սահմանում է ազատ ընտրությունների իրավունքը: «Բարձր պայմանավորվող կողմերը պարտավորվում են անցկացնել ազատ ընտրություններ՝ ռոջամիտ պարբերականությամբ, գաղտնի քվեարկությամբ, այնպիսի պայմաններում, որոնք ապահովեն ժողովրդի ազատ արտահայտուն օրենսդիր իշխանություն ընտրելիս»⁶:

Մարդու իրավունքների Եվրոպական դատարանը բեզմիցս պարզաբանել է 1-ին Արձանագրության 3-րդ հոդվածի դրույթները և նշել է, որ տվյալ հոդվածը «նախատեսում է «ազատ» ընտրություններ՝ «ռոջամիտ պարբերականությամբ», «գաղտնի քվեարկությամբ» և «ժողովրդի կամքի ազատ արտահայտություն ապահովելու պայմանով», ենթադրում է ընտրելու և ընտրվելու սուբյեկտիվ իրավունքները /«Լաբիտան ընդդեմ Իտալիայի գործը» 2000 թվականի ապրիլի 6-ի վճիռը, կետ 2017/։ Ինչպես իրավագիտորեն նշում է Ռ.Եդանը. «Ավետական կառավարմանը տարբեր ձևերով մասնակցելու անկյունքաբար եղել և մնում են ընտրությունները, որոնք ելակետային էին նաև պետական կառավարմանը մասնակցելու մյուս իրավունքների լիարժեք իրականացման համար»⁸: Հիրավի, առանց ընտրությունների և ընտրական իրավունքի հնարավոր չէ քաղաքացիների մասնակցությունը պետական կառավարմանը: Ընտրությունները սահմանադրական ու այլ իրավական նորմերով օրինականացված ժողովրդի ուղղակի կամաարտահայտության և անմիջական ժողորդավարության ձևն է⁹: Ընտրությունները հանդիսանում են հասարակության մեջ հակասությունների լուծման ժողովրդավարական ձև, որը բացառում է փորձամասնության կամ առտնձին քաղաքական գործիչների կամքի թելադրումը մեծամասնությանը:

Ընտրությունները համարվում են նաև հասարակական - քաղաքական վերահսկողության արդյունավետ միջոց ընտրվի մարմինների և պաշտոնատար անձանց գործունեության նկատմամբ:

Լեոնային Ղարաբաղի Հանրապետությունում ընտրությունների միջոցով են ձևավորվում նախագահական ինստիտուտը¹⁰, խորհրդարանը¹¹, և տեղական ինքնակառավարման մարմինները¹²: Եթե «ընտրություններ» տերմինը նշանակում է որպես որևէ մարմնի կամ հաստատության կազմավորման միջոց, ապա «ընտրական իրավունք» հասկացությունը իրավաբանական գրականության մեջ օգտագործվում է նկրտ առումով՝ օբյեկտիվ և սուբյեկտիվ:

Օբյեկտիվ առումով ընտրական իրավունքը իրավական նորմերի համակարգված

ամբողջություն է, որը կարգավորում է իշխանության ներկայացուցչական մարմինների /պետական և տեղական ինքնակառավարման/ ընտրության կարգը¹³:

Մասնագիտական գրականության մեջ հանդիպում ենք ավելի ընդարձակ սահմանմանը: Օրինակ, քստ Ռ.Եդանի. «Օբյեկտիվ իմաստով ընտրական իրավունքը գարգացած ժողովրդավարական երկրներում, որպես իրավական կատեգորիա, հանրային /սահմանադրական/ իրավունքի ինստիտուտ է, օրենսդրական և այլ իրավական ակտերում համակարգված իրավական նորմերի ամբողջություն, որոնք կարգավորում են ժողովրդավարության իրականացման /պետական ու տեղական ինքնակառավարման մարմինների ընտրության/ ընթացքում առաջացած հարաբերությունները՝ սուբյեկտների գործունեությունը, նրանց իրավունքներն ու պարտականությունները»¹⁴:

Սուբյեկտիվ առումով ընտրական իրավունքը քաղաքացիների կարևոր քաղաքական իրավունքներից է մասնակցելու պետական իշխանության և տեղական ինքնակառավարման մարմինների ձևավորմանը: Ընտրական իրավունքը քաղաքացու սուբյեկտիվ իրավագործությունների համակարգ է, որտեղ առանձնանում են ակտիվ /ընտրելու/ և պասիվ /ընտրվելու/ իրավունքը¹⁵:

Ակտիվ ընտրական իրավունքը մասնագիտական գրականության մեջ անվանում են նաև ձայնի իրավունք կամ ընդհանուր ընտրական իրավունք¹⁶: Պասիվ ընտրական իրավունքի տակ հասկացվում է ընտրություններում քաղաքացին իր թեկնածությունն առաջադրելու իրավունքը կամ առաջադրվելու համաձայնություն տալու իրավունքը:

Այսպիսով, սուբյեկտիվ առումով «ընտրական իրավունք» հասկացության բովանդակությունը ներառում է և՛ ընտրելու իրավունքը, և՛ ընտրվելու իրավունքը:

Լեոնային Ղարաբաղի Հանրապետության ընտրությունների մասին օրենսդրությունը հանգամանորեն կարգավորում է ԼՂՀ քաղաքացիների ինչպես ակտիվ, այնպես էլ պասիվ ընտրական իրավունքը: Այսպես, «ԼՂՀ նախագահի ընտրությունների մասին» օրենքի 2-րդ հոդվածի համաձայն. «Հանրամտության Նախագահի ներքին իրավունք ունեն 18 տարեկան դարձած Լեոնային Ղարաբաղի Հանրապետության քաղաքացիները»: Նույնպիսի կարգ է սահմանված «ԼՂՀ Ազգային Ժողովի պատգամավորների ընտրությունների մասին» և «ԼՂՀ տեղական ինքնակառավարման մարմինների ընտրությունների մասին» օրենքներով /հոդ. 3/:

Ակտիվ ընտրական իրավունքի համեմատ պահվել ընտրական իրավունքը որոշակի ցնձգային սահմանափակումներ ունի /տարիքային, քաղաքացիության, նստակցության, գույքային, ընտրական գրավ և այլն/, որն, ըստ էության, բնութագրական է բոլոր իրավական համակարգերին:

Այսպես, օրինակ, «ԼՂՀ նախագահի ընտրությունների մասին» օրենքով Լեռնային Ղարաբաղի Հանրապետության Նախագահ կարող է ընտրվել՝ վերջին 10 տարում Լեռնային Ղարաբաղի Հանրապետության տարածքում բնակվող, ԼՂՀ քաղաքացի հանդիսացող և ընտրական իրավունք ունեցող յուրաքանչյուր ոք, ում առնվազն 35 տարին լրանում է նախագահական ընտրությունների տարում» /հոդ. 2/, իսկ ԼՂՀ Ազգային ժողովի պատգամավոր ընտրվելու համար սահմանված են ավել նվազ տարիքային և նստակցության ցնձգեր. «Ազգային ժողովի պատգամավոր ընտրվելու իրավունք ունեն մինչև ընտրությունների օրը 25 տարին լրացած Լեռնային Ղարաբաղի Հանրապետության այն քաղաքացիները, ովքեր մինչև ընտրությունների օրը առնվազն 3 տարի մշտապես բնակվել են Լեռնային Ղարաբաղի Հանրապետությունում»¹⁷:

ԼՂՀ տեղական ինքնակառավարման մարմիններում պահվել ընտրական իրավունքի ցնձգը առավել նվազագույնի է հասցված և հիմնականում համապատասխանում է «Տեղական ինքնակառավարման մասին» «Եվրոպական խարտիայի» դրույթներին: Հարկ է ընդգծել նաև, որ ընտրությունների մասին ԼՂՀ օրենսդրությունը հիմնականում համապատասխանում է միջազգային ստանդարտներին, մասնավորապես՝ «Ազատ և արդար ընտրությունների չափորոշիչների մասին» 1994 թվականի մարտի 26 -ին Փարիզում ընդունված «Ջշակագրի դրույթներին»¹⁸:

Տեղական ինքնակառավարման մարմինների ընտրությունների մասին» օրենքի համաձայն. «Տեղական ինքնակառավարման մարմինների ընտրությունների քաղաքացիները մասնակցում են անմիջականորեն, կամ քի ազատ արտահայտությամբ: Համայնքի կառավարման մարմինների ընտրությունների ժամանակ տվյալ համայնքում ընտրվելու իրավունք ունեցող բոլոր քաղաքացիներն ընդգրկվում են ընտրական ցուցակում: Համայնքի ընտրական ցուցակում ընդգրկված յուրաքանչյուր ընտրող ունի մեկ ծային իրավունք:

Համայնքի ղեկավար կարող է ընտրվել 25 տարին լրացած, տվյալ համայնքում առնվազն վերջին մեկ տարում մշտապես բնակվող, վերջին նրբ տարում հարկեր, տեղական տուր-

քեր և վճարներ բարելավողներն վճարող Լեռնային Ղարաբաղի Հանրապետության յուրաքանչյուր քաղաքացի: Ավագանու անդամ կարող է ընտրվել 21 տարին լրացած, տվյալ համայնքում առնվազն վերջին մեկ տարում մշտապես բնակվող, վերջին նրբ տարում հարկեր, տեղական տուրքեր և վճարներ բարելավողներն վճարող Լեռնային Ղարաբաղի Հանրապետության յուրաքանչյուր քաղաքացի» /հոդ. 3/: ԼՂՀ կառավարության 2001 թվականի հունիսի 19 -ի որոշման համաձայն 2001 թվականի սեպտեմբերի 5 -ին Լեռնային Ղարաբաղի Հանրապետությունում անցկացվեցին տեղական ինքնակառավարման մարմինների ընտրություններ: ԼՂՀ կենտրոնական ընտրական հանձնաժողովի տվյալներով ԼՂՀ 86.525 ընտրողներից քվեարկությանը մասնակցեցին 53.537 ընտրողները, որը կազմում է ընտրական ծային իրավունք ունեցող ԼՂՀ քաղաքացիների 61, 9 % -ը¹⁹: Կապացած ընտրությունների արդյունքներով ԼՂՀ տեղական ինքնակառավարման մարմիններում ընտրվեցին 194 համայնքի ղեկավարներ և ավագանու 1361 անդամներ²⁰:

Ընտրությունների արդյունքը վկայում է ընտրական զանգվածի բավականին բարձր քաղաքական ակտիվությունը, որը ոչ պակաս չափով պայմանավորված էր նաև այն հանգամանքով, որ բոլոր ընտրական հանձնաժողովները ապահովել էին ընտրությունների անցկացման ժողովրդավարական սկզբունքները՝ թափանցիկությունը, արդարությունը և հրապարակապետությունը:

Ընդհանրապես անհրաժեշտ է ընդգծել, որ ընտրությունների անցկացման հիմնական առանցքը կազմում է ընտրական կորպուսը, որի քաղաքացիական ակտիվությունն է որոշում ընտրությունների ընթացքը և արդյունքը: Դրանով է պայմանավորված նաև ընտրական իրավունք ունեցող քաղաքացիների իրավունքների և պարտականությունների մանրակրկիտ սահմանումը ընտրական օրենսդրությունում:

Ամփոփում

Աշխատանքը նվիրված է սահմանադրական իրավունքի հիմնահարցներից մեկի՝ ընտրական իրավունքի համակողմանի վերլուծությանը: Ընտրական իրավունքը դիտվելով որպես քաղաքացու կարևորագույն սուբյեկտիվ իրավունքներից մեկը, դիտարկվում է նաև որպես հասարակական-քաղաքական վերահսկողության արդյունավետ միջոց ընտրովի ներկայացուցչական պետա-

կան մարմինների և պաշտոնատար անձանց գործունեության նկատմամբ: Աշխատանքում վերնուծվել են բարդությունները կարգավորող նորմատիվ-իրավական ակտները՝ ինչպես կոնկրետ օրինակների, այնպես էլ համապատասխան միջոցների նորմերի համատեքստում:

• Резюме

Работа посвящена одному из основополагающих вопросов конституционного права - всестороннему анализу избирательного права. Рассматривая избирательное право как важнейшее субъективное право гражданина, можно также представить его как эффективное средство общественно-политического контроля над избираемыми представительскими государственными органами и деятельностью должностных лиц. В работе анализируются затруднения, связанные с регулирующими нормативно-правовыми актами на примере как конкретных фактов, так и соответствующих систем международных норм.

Գրականություն

1. Մանրամասն տե՛ս. Եղյան Ռ.Հ. Հայաստանի Հանրապետության ընտրական համակարգը: Երևան, 2000;
Հայաստանի Հանրապետության սահմանադրական իրավունք: Պատ. խմբ. պրոֆ. Ն.Ա.Այվազյան. Երևան, 2003, էջ 381 - 385;
Избирательное право и процесс в Российской Федерации. М., 1999; Авакьян С.А. Реформа советской избирательной системы важнейший шаг в демократизации жизни общества. "Государственно - правовые аспекты демократизации советского общества". Под ред. С.А. Авакьяна. М., 1990; Астафичев П.А. Избирательное право России: современное состояние и перспективы развития. Орел, 1999.
2.Տե՛ս. Конституционное право зарубежных стран. Под ред. проф. В.О. Лучина, проф. Г.А. Васлевича, проф. А.С. Прудникова. М., 2001, с.187.
3.Տե՛ս. Մարդու իրավունքների վերաբերյալ Հայաստանի Հանրապետության մասնակցությամբ միջազգային պայմանագրեր: Պաշտոնական հայերեն բարգմանություն Փաստաթղթերի ժողովածու: Գիրք Ա: Երևան, 2001, էջ 17; Նաև՝ Международные акты права человека. Сборник документов. 2 -е издание. М., 2002, с.41.

4. Տե՛ս. Մարդու իրավունքների վերաբերյալ Հայաստանի Հանրապետության մասնակցությամբ միջազգային պայմանագրեր. էջ 79:
5. Տե՛ս. Россия. Власть и выборы. М., 1996, с.73.
6. Տե՛ս. Марк Дженис, Ричард Кэй, Энтони Брэдли. Европейское право в области прав человека. Практика и комментарии. М., 1997, с.565.
7. Տե՛ս. Մարդու իրավունքների Եվրոպական դատարան: Վճիռների ընտրանի /1978 - 2000 թթ./, Երևան, 2002, էջ 127:
Տե՛ս. Նաև՝ Մատին - Մոհին և Կլեմֆայտն ընդդեմ Բելգիայի 1987 թվականի մարտի 2 -ի վճիռը, Շար U N 113, էջ 23, կետ 52 /European Court of Human Rights: judgments and decisions. Strasfurg, 2 March 1987 /Mathieu - Mohin and Clerfayt /Belgium/ Series A. N 113, P. 24, Para 52/.
8.Եղյան Ռ.Հ. Հայաստանի Հանրապետության ընտրական համակարգը. էջ 8:
9. Տե՛ս. Пылин В.В. Избрательное и референдумное право Российской Федерации: Учебно - практическое пособие. СПб., 2003, с.88.
10. Տե՛ս. ԼՂՀ օրենքը «Լեռնային Ղարաբաղի Հանրապետության ընտրությունների մասին». Ստեփանակերտ, 2000:
11.Տե՛ս. ԼՂՀ օրենքը «Լեռնային Ղարաբաղի պատգամավորների ընտրությունների մասին». Ստեփանակերտ, 2000:
12.Տե՛ս. ԼՂՀ օրենքը «Տեղական ինքնակառավարման մարմինների ընտրությունների մասին» /հետագա լրացումներով և փոփոխություններով/. Ստեփանակերտ, 2001: 13. Տե՛ս. Бякия А.А. Избранные работы 90 -х годов по конституционному праву. СПб., 2003, с.240.
14.Եղյան Ռ.Հ. Հայաստանի Հանրապետության ընտրական համակարգը. էջ 10:
15. Տե՛ս.
16.Տե՛ս. Հայաստանի Հանրապետության սահմանադրական իրավունք. Պատ. խմբ. պրոֆ. Ֆետր Ն.Ա.Այվազյան. Երևան, 2003, էջ 382:
17.Տե՛ս. ԼՂՀ օրենքը «Լեռնային Ղարաբաղի պատգամավորների ընտրությունների մասին». հոդ. 3:
18.Ընտրական իրավունքի միջազգային չափորոշիչների մասին մանրամասն տե՛ս. OSCE. Рекомендации по анализу законодательной базы выборов. Варшава, 2001; Вешняков А.А. Избирательные стандарты в международном праве и их реализация в законодательстве Российской Федерации. М., 1997.
19.Տե՛ս. Մերգել Դավթյան. Ժողովրդավարության ուղիով. Ստեփանակերտ, 2002, էջ 27:
20. Տե՛ս, Նույն տեղը, էջ 28: